



Broj: 07-11-823/21  
Vogošća, 25.08.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 25.08.2021. godine donio je

**ODLUKU  
O IZBORU NAJPOVOLJNIJEG PONUĐAČA ZA IZVOĐENJE RADOVA NA IZGRADNJI I  
DOGRADNJI JAVNE RASVJETE NA PODRUČJU OPĆINE VOGOŠĆA**

**Član 1.**

Ponuda ponuđača "Ses" d.o.o. Sarajevo, ulica Trg ZAVNOBIH-a broj: 25. Sarajevo, odabrana je za izvođenje radova na izgradnji i dogradnji javne rasvjete na području općine Vogošća, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 114.829,25 KM bez uračunatog PDV-a, odnosno 134.350,22 KM sa uračunatim PDV-om.

**Član 2.**

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 31.05.2021. godine donio Odluku o pokretanju Otvorenog postupka nabavke radova na izgradnji i dogradnji javne rasvjete na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 31.05.2021. godine pod brojem: 1353-1-3-92-3-71/21.

Sažetak Obavještenja o nabavci objavljen je u "Službenom glasniku BiH" broj: 34/21 od 04.06.2021. godine.

Tendersku dokumentaciju sa Portala javnih nabavki BiH je preuzelo 30 (trideset) ponuđača. Krajnji rok za dostavu ponuda bio je 21.06.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.06.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-823/21 iz maja 2021. godine. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ses" d.o.o. Sarajevo	114.829,25	/	/	134.350,22
2	"Step" d.d. Sarajevo	116.370,78	/	/	136.153,81

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Step" d.d. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.2. pod b) TD kroz Napomenu III ugovorni organ je propisao da će se kao dokazi o radnom angažmanu za tražene osobe prihvatiti Lista osiguranih lica iz Poreske uprave-nadležne ispostave, Ugovor o djelu ili Ugovor o poslovno tehničkoj saradnji, shodno tački 7.4.1 b).

Ponuđač "Step" d.d. Sarajevo je u svojoj Ponudi (strana 108-114. Ponude) kao dokaz za traženo dostavio Listu osiguranih lica za obveznika "Step" d.d. Sarajevo broj: 13-9/4-12-45-2248/21 od 19.04.2021. godine, izdatu od strane Porezne uprave Federacije BiH-Porezna ispostava Novi Grad.

Komisija za javne nabavke smatra da dostavljena ovjerena kopija Liste osiguranih lica za obveznika "Step" d.d. Sarajevo nije ovjerena od strane nadležnog organa na ispravan način. Naime, ovjerena je samo zadnja strana Liste osiguranih lica, a obzirom da se ista sastoji od više stranica, bilo je potrebno ovjeriti svaku stranicu Liste osiguranih lica pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priložena Lista osiguranih lica sastoji od 7 (sedam) stranica, dok Služba za opću upravu Općine Novi Grad Sarajevo ovjeravajući predmetnu kopiju dokumenta na pečatu ovjere uopće nije naznačila od koliko se stranica fotokopija sastoji, a što je direktno utjecalo na formalno-pravnu ispravnost dostavljenog dokumenta.

- Tačkom 7.4.1. pod b) TD, a u skladu sa članom 51. Zakona je tražena obrazovna i profesionalna kvalifikacija lica koja su angažovana na izvođenju konkretnih radova i to da ponuđač između ostalog ima na raspolaganju i:
  - 2 (dva) lica koja ispunjavaju uslove za obavljanje poslova predradnika (poslovođe), elektro struke, minimum IV stepen stručne spreme i 3 godine radnog iskustva u struci,
  - 4 (četiri) izvršioaca, SSS ili VŠS elektro struke (monteri elektroinstalacija)-III ili V stepen (KV ili VKV monter elektroinstalacija),
  - 1 (jedno) lice, SSS ili VŠS saobraćajne struke-III ili V stepen, smjer vozač motornih vozila (KV ili VKV vozač).

Tačkom 7.4.2. pod b) TD je pored ostalih zahtjeva traženo da se kao dokazi za tražene radnike iz tačke 7.4.1. pod b) TD dostave Diplome/Svjedočanstva o završenoj traženoj stručnoj spremi i dokaz o radnom iskustvu i radnom angažmanu, uz napomenu da dokazi koji se dostavljaju moraju biti originali ili ovjerene kopije.

Ponuđač "Step" d.d. Sarajevo je u svojoj Ponudi (strana 119-120. Ponude) kao dokaz za traženo dostavio Diplomom o položenom majstorskom ispitu za elektroenergetičara elektroenergetskih postrojenja-majstora V stepena broj: 60-02-V/01 od 19.02.2001. godine, izdatu od Željezničkog školskog centra Sarajevo, a kojom se dokazuje da je

Zoran Zamiš stekao zvanje elektroenergetičara elektroenergetskih postrojenja-majstora V stepena.

Ponuđač "Step" d.d. Sarajevo je u svojoj Ponudi (strana 121-122. Ponude) kao dokaz za traženo dostavio Diplomom o završenom petom stepenu stručne spreme broj: 01-287/13 od 14.02.2013. godine, izdatu od Željezničkog školskog centra Sarajevo, a kojom se dokazuje da je Mirsad Plakalo stekao zanimanje elektroenergetičara elektroenergetskih postrojenja-majstor.

Ponuđač "Step" d.d. Sarajevo je u svojoj Ponudi (strana 124-125. Ponude) kao dokaz za traženo dostavio Diplomom o završenoj srednjoj stručnoj školi broj: 02-483-7/1988 od 21.06.1988. godine, izdatu od R.O.E.T.Š.C "Jaroslav Černi" O.O.U.R Škola za energetiku Sarajevo, a kojom se dokazuje da je Sejdo Efendić stekao zanimanje elektroenergetičar.

Ponuđač "Step" d.d. Sarajevo je u svojoj Ponudi (strana 126-127. Ponude) kao dokaz za traženo dostavio Diplomom o završenoj srednjoj stručnoj školi broj: 02-202/2004 od 17.06.2004. godine, izdatu od Mješovite srednje škole za elektroenergetiku Sarajevo, a kojom se dokazuje da je Bojan Stevanović stekao zanimanje elektromehaničar.

Ponuđač "Step" d.d. Sarajevo je u svojoj Ponudi (strana 128-129. Ponude) kao dokaz za traženo dostavio Diplomom o završenoj srednjoj stručnoj školi broj: 02-617-10/2018 od 18.06.2018. godine, izdatu od Elektrotehničke škole za energetiku Sarajevo, a kojom se dokazuje da je Ajdin Smajlović stekao zanimanje elektroinstalater.

Ponuđač "Step" d.d. Sarajevo je u svojoj Ponudi (strana 130-131. Ponude) kao dokaz za traženo dostavio Diplomom o završenoj srednjoj stručnoj školi broj: 01-1290-1/19 od 28.06.2019. godine, izdatu od Željezničkog školskog centra Sarajevo, a kojom se dokazuje da je Adnan Osmanović stekao zanimanje elektroenergetičar.

Uvažavajući dostavljeno, Komisija za javne nabavke smatra da dostavljene ovjerene kopije Diploma u Ponudi ponuđača "Step" d.d. Sarajevo nisu ovjerene od strane nadležnog organa na ispravan način. Naime, ovjerene su samo zadnje stranice Diploma, a obzirom da se iste sastoje od više stranica, bilo je potrebno ovjeriti svaku stranicu dostavljenih Diploma pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se sve priložene Diplome sastoje od 3 (tri) stranice, dok Služba za opću upravu Općine Novi Grad Sarajevo ovjeravajući predmetne kopije dokumenta na pečatu ovjere uopće nije naznačila od koliko se stranica fotokopije sastoje, a što je direktno utjecalo na formalno-pravnu ispravnost dostavljenih dokumenta.

Ponuđač "Step" d.d. Sarajevo nije dostavio traženi dokaz o radnom iskustvu za gore pobrojane radnike, iako je TD-tačkom 7.4.2. pod b) Napomena II jasno propisano da će se kao dokazi o radnom iskustvu za sve tražene osobe smatrati Izvod iz matične evidencije uposlenih (PIO/MIO) ili Potvrde-Uvjerenja izdata od strane poslodavca.

- Tačkom 9.8.1.TD propisano je da su Ponuđači dužni uz ponudu dostaviti garanciju za ozbiljnost ponude u iznosu od 1 % procijenjene vrijednosti nabavke, a u skladu sa članom 61. Zakona o javnim nabavkama BiH. U skladu sa članom 68. stav. 4 Zakona, ugovorni organ će odbaciti ponudu ako je zahtjevana garancija za ozbiljnost ponude, a ona nije dostavljena uz ponudu.

Ponuđač "Step" d.d. Sarajevo nije dostavio zahtjevanu garanciju za ozbiljnost ponude, te je na taj način postupio suprotno jasno postavljenom zahtjevu ugovornog organa iz TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ses" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Ses" d.o.o. Sarajevo, te je izvršena računsa provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ses" d.o.o. Sarajevo, za izvođenje radova na izgradnji i dogradnji javne rasvjete na području općine Vogošća, kao jedine formalno-pravno ispravne ponude, sa ponuđenom ukupnom cijenom nabavke u iznosu od 114.829,25 KM bez uračunatog PDV-a, odnosno 134.350,22 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Ses" d.o.o. Sarajevo
2. "Step" d.d. Sarajevo
3. Nadležnoj Službi
4. U dosije
5. a/a

033/766-557

033/542-377



OPĆINSKI NAČELNIK

Edin Smajić  
Edin Smajić